



ВАРИ ХЪУГЪРУДАРИЗ ПЕТРИН САБПИ КАГЪАЗ

Гирами Рюгъну Петрин хилариинди бикІуз гъиту гъаму саб-пи кагъаз, БицІи Азияийъ Исайихъ сабпидарди хъугъдар, чпин хъугъувалиан кялхъюваларилан, рихшанд апІуваларилан ва сабра дарди ктукъури балайикк ккитуваларилан гъагъи гъялнаъ ахъдариз кІури дибикІнайиб ву. Дурар саб суалну архаинди гъитрадайи: чпи айи йишваъ арайиз дуфнайи гъяларихъди алакъайиъ шулуш, даршсан гъюкумдрариз къаршу гъедергуруш. Петри дурариз, чпин хъугъувалилантина аъзабарихъ ахъдичва, кІура, гъаз гъапиш Исайихъ хъугънайидар имбударигъян жа-жаради аьгъю шулу, дурарин уьмур цІийивализ дигиш дубхъна. Кагъзиъ, гъамцдар дюшошарихъ ахъу Исайихъ хъугърудари гъанІ-ну ккундуш улупури, гъаму кІулин суаларилан гъайри, мянфя-аьтлу насигъятарра а. Вари хъугърудари фикир тувру варитІан аьхю умуд, Гирами Рюгънан насигъятарин мюгъкам бина ву. Исайин вакили кагъаз урхрудариз гъамци кІура: «Хъа гъамци, Месигъдин аъзабарихъ иштирак учвурра шулайивалиин шад йи-хъай, Дугъан ад ачмиш гъабхъи вахтнарра шадвали ацІдичва ва гъарай ипдичва» (4:13).

ЧИВИ УМУД

1¹⁻² Иса Месигъдин вакил Петрихъан гъурабйирди жара жилариин Понтдиъ, Галатдиъ, Каппадокияийъ, Азияийъ ва Вифанияийъ дарагънайи, Аллагъди Чан рябкъювалиинди кадагънайи



хъгънайидариз, учву, Рюгъну гирами дапІнайидар, Иса Месигъ-дихъ хъпехъбан ва Дугъан ифдиинди марщ хъпан бадали, учвуз гьуркІну вуйи уж'вал ва мясляаѣт ибшричвуз!

³Ихъ Агъа Иса Месигъдин Адаш ужувлиинди ишричав. Дугъу, Иса Месигъ чІиви апІбиинди Чан зурба вуйи уж'вал улупну, ухъу заълан бабкан гъахну ва цІийи уъмрихъ хъаъну. ⁴Гъамдиинди ухъук, я аъжалихъан, я камиваларихъан, я вахтнахъан чІур апІуз даршлу, чІиви миж кивунхъук. Ихъ миж кайи «девет» ухъуз аършариѣ уѣбхюра. ⁵Учвуз, ичв хъгъгъувализ дилигну, Аллагъдин къудратнакк ккайидар, гъиямат йигъахъна аъхиримжи вахтари ачмиш шлу уърхювал рубкъидичвуз. ⁶Гъаци вуйиган, гъеле сацІиб вахтари гъаржюре читинвалариѣ учІвршнар кчІикъуб алабхъурушра, гъамдиин шад йихъай. ⁷Агъю йибхъайки, гъизилра цІиинди таза алапІурайиб. ЦІихъан гъеле думу зат имдарди деебцІ-ну гъадапІузра шулу, хъа ичв хъгъгъувал гъизилтІан лап артухъ багъа ву, ва думу, гъякъди вуйиб вуш, ясана – дарш, Иса Месигъ къяляхъ гъафи вахтна гъиямат йигъан жвуван тяриф, ад ва заанвал жвувахъна рубкъбан бадали, ахтармиш дапІну ккундарин?! ⁸Думу (Иса) ккундучвуз, гъеле учвуз гъяркъюндаршра, учву Дугъахъ хъгърачва, гъеле гъаму ражари Думу ичв уларикк ккадаршра. Учву улупуз даршлу аъжайиб шадвали ацІну урхъурачва, ⁹гъаз гъапиш ичв хъгъгъувалин метлеб кІулиз удубчІврайичв – ичв уърхювал.

¹⁰Гъаму уърхюваликан чпин вахтари гъеле пайгъамбрари чпихъан удукърубкъан ужуйи ахтармиш'валар гъахури гъахънийи, ва улихъмиди Аллагъдин гъянивалиан учвуз тувнайи багъишдикан гъапнийи. ¹¹Дурари, Месигъдин Рюгъну фуну вахтнакан кІураш, фицдар гъялариѣ Месигъдин аъзабар шулуш, ва гъадму аъзабарин къяляхъ шлу Дугъан аднакан агъю апІуз ккунди, ахтармиш'валар гъухнийи. ¹²Пайгъамбрариз чпи чпин – ваѣ, хъа – ичв гъайгъушин бадали гъилихуваликан ачмиш гъабхънийи. Дурари аършариан гъаънайи Гирами Рюгъну дебкку Ужувлан хабарнакан хабар дебккнийи – гъаму ражари рабгъурайи Ужувлан хабар. Гъаму сир агъю апІуз ккунди, гъеле аършарин малайикарра кмиди тямгъну йихура. ¹³Гъит, гъаддиз ичв фагъум фагъмихъ хъади ибшри, ва ляхнар апІуз гъаммишан гъязурди гъузай. Вари ичв умуд Аллагъдин гъянивалиин илипай, хъа гъиямат йигъан Иса Месигъ гъафиган, учвуз ичв умуд кайиб вари багъиш апІиди.



Гирами уъмрихъна дих

¹⁴Хъпехъру бицИдарси, учву Аллагъдихъна гъяйиз айи ичв тя-
мягъяр фицдар вуйиш, гъадрарихъди ичв уъмур хъапІуз мигъита-
най. ¹⁵Хъа гъатци, учвуз дих ДапІнайир фици Гирамир вуш,
учвура гъаци гирамидар йихъай ва ичв хасиятра гирами вуйиб
ибшири. ¹⁶Гъаддиз БикІбарий дупна:

«Гириамидар йихъай, гъаз гъапиш Узу Гириамир вуза».

¹⁷Эгер учву сабдизра дилигди, вари адмийирин суд АпІруриз
Адаш кІураш, му дюн’яийи имиди Дугъхъан гучІ’вал кади яша-
миш йихъай. ¹⁸Агъю йибхъайки, ичв абйирихъан дурубкънайи
гъаму файдасуз уъмриккан учву, гъизилна арсси чІур дубхъну
гъябгърубдихъ къимат тувну гъадагъну азадвалиъ тІаънадар,
¹⁹хъа гъич саб жюрейин зиян, я скаш ктру ччилан ифдихъси, ва-
ритІан багъа вуйи Месигъдин ифдихъ гъадагъну, азадвалиъ тІаъ-
найидар вучва. ²⁰Иса, дюн’я арайиз хайиз, учву бадали Кадагъ-
найир вуйи, ва гъаму аъхиримжи йигъари Думу жилиина гъафну.
²¹Учву Думу гъачИдаригъян чІиви гъапІу ва Дугъаз ад туву Ал-
лагъдихъ, Гъадгъулантина хъугъначва. Гъаци вуйиган, ичв хъугъ-
вал ва миж Аллагъдиъ авучв.

²²Учвуз ичв хъугънайи гъардшар, жвув гъякъвалихъ хъебехъну
марцц гъахъиган, къю-къюб маш гъидривру масанвалиинди, мар-
цци юкІвариинди ва жандин вари къувватниинди ккун гъахъун-
чвуз! ²³Учвуз цІийи уъмур тувру тум алаур йибкІру тум даричв,
аъхир, хъа – дирибкІру тум. Думу тум чІиви ва гъаммишандиз
вуйи Аллагъдин Гаф ву. ²⁴Гъаддиз Гирами китабарий дупна:

«Инсаният укІси ву,
дурарин усппагъивал – хутІлин кюкюси.
УкІ ебццуру – кюкюра алдабхъуру.

²⁵ Агъайин гаф
аъсрариан-аъсрариз гъубзра».

Агъайин гъадму Гаф, учвуз гъурубкъу Ужувлан хабар ву!

ЧІиви гъван ва гирами халкъ

2 ¹Гъаци вуйиган, гъарсаб чІуруб, гъарсаб кучІал, къю-къюб
маш гъивнайивал, маш ккадарди хъувал, гъар жюрейин футни-
йир гатІахъай. ²Тазади бабкан духъну имбу бицИдарси, рюгънан



тІяаьмлу никкдихъ, гъадин кюмекниинди ахю хъуз ва уърхювал гъазанмиш апІуз, тямгъ хъивай. ³ИкибаштІан, Агъа фици ужур вуш, учвуз агъю гъабхъунчвуз. ⁴Гъадгъахъна гъачай – чІиви Гъвандихъна, адмийири тина гъадапІубдихъна, хъа Аллагъди ктабгъубдихъна, Дугъан уларихъ багъа вуйибдихъна. ⁵Учвур, чІиви гъванарикан хал диврайиси, ичв учвкан рюгъвалин хал тикмиш апІинай. Гъадмуган, гирами вуйи гьуллугъчйир хъпан къяляхъ, Месигъдиланмина Аллагъдиз къабул вуйи, Рюгъниинди вуйи гьурбнар апІидичва. ⁶Гъаз гъапиш, Гирами китабарихъ гъаци кІура:

«Магъа, Узу Сион дагъдиин
мурччван гъван дивдиза – кадабгънайиб, багъа вуйиб.
Дугъахъ хъугъру гъич саркъан биябур хъидар».

⁷Гъаци вуйиган, учвуз, хъугърудариз, Думу зурба хазна ву, хъа хътругърудариз –

«Устайи тина гъапІу гъван
мурччвануб гъабхъну»,

⁸ва

«Му Гъван хъарсру гъван ву.
Му Гъвандихъ хъарсу адмийир
алдакуру».

Магъа, дурар хъарсну, гъаз гъапиш Ужувлан хабарнахъ хъугърадар. Дурарихъди гъаци шулайиб ву.

⁹Хъа учву, кадабгънайи жинс, Паччагъдин гьуллугъчйир, гирами халкъ, Аллагъдин хусусият, мучІушнаан Чан аъжайиб аквнаъ хъуз учвуз Шли дих дапІнаш, Гъадгъан зурба ляхнарикан хабар дебккбан бадали, гъядягънайидар вучва.

¹⁰ «Саб вахтна,
халкъ ву дупну – халкъ дарудар,
хъа гъамус – Аллагъдин халкъ.
Улихъди – уж’вал дархъидар,
хъа гъамус
думу учвуз гъабхъунчвуз».

¹¹Йиз багъа вуйидар, гъаму дюн’яйиин улукъуз дүфну, къяляхъ гъягъюри рякъ’ин алидарси, кІвахъди дяви гъабхурайи жандин тямгъярихъан ярхлади гъузуб учвкан ккун апІураза. ¹²Гъит, ичв хасият Аллагъдихъ хътругърударин арайихъ марцциб ибшири. Ва



гъадмуган, гъаму ражари учвуз, пис касар ву, кІури люкънар апІурайидари, учву апІурайи ужувлан ляхнар рякъюри, Аллагъ гъафи гъиямат йигъан, Дугъан ад апІиди.

Гъюкумдариз мютІюгъ йихъай

¹³Агъа бадали мютІюгъ йихъай адмийири дерккнайи вари гъюкмари, ¹⁴гъюкум гъабхурайидариз, гъаз гъапиш дурари тІафларизна тІарашчйири жазйир гъадатІуру ва ужувлар апІрудариз пешкешар тувру. ¹⁵Даршуз Аллагъдин ният гъациб ву: ужувлар апІрудари, абдларин чІуруди улхру ушварихъ, ужудар ляхнар апІбариинди гъитІибшвну ккунду. ¹⁶Хъа учву, азад адмийир ву-йивализ дилигну, ахмакъ ляхнар ккеркуз ичв азадвал ишлетмиш мапІанай – учву Аллагъдин лукІар вучва, аьхир. ¹⁷Варидариз гъюрмат апІинай, гъардшар ккун апІинай, Аллагъдихъан гучІ апІинай, паччагъ гъисабназ гъадагъай. ¹⁸ЛукІар, ичв агъйири хай гъюру жюрейиинди гучІ’вал кади, неинки гъянири ва гъюдлири, хъа учІвру хасият хъайири вушра, мютІюгъ йихъай. ¹⁹Тяриф хъибди, чан аьзабар аьгъ апІуруин, гъаз гъапиш дицир Аллагъдин ниятнан гъавриъ айир ву; думу лайикъ дарди бедбахтваларикк ккахъна. ²⁰Хъа эгер, тахсир дапІну, учву урччвураш, ичв фициб ад шул? Хъа учву уж’вал апІури, аьзабар сабурлуди аьгъ апІуруш, Аллагъдин улихъ ичв аваза за хъибди. ²¹Учвуз, учву гъамци хъуз, дих дапІначвуз, аьхир, гъаз гъапиш Месигъ учвхъанди аьзабарикк ккахъну ва Дугъу дурар аьгъ гъапІну. Дугъу учвуз, Чан шилнаъди гъюз, мисал гъибтну.

²²Дугъу «гунагъ гъапІундар ва Дугъан ушвниин кучІал илибшундар».

²³Учв биябур апІруган, Дугъу Чавра адмийир биябур апІуз хъюгъюндар. Учв аьзабарикк ккахънайиган, Дугъу гучІар ккаундар, хъа Дугъу Учв гъякъ вуйи Суд’яйин хилиз тувнийи. ²⁴Дугъу Чав, ухъу гунгъариз дийихнайидарси хъуз ва гъякъвал бадали яшамиш хъуз, Чан хусуси бедендиъди ихъ гунгъар хачриина гъухну. Учву Дугъан зийнариинди сагъ гъахъунчва. ²⁵Учву сабфила-вуш, марччарси, улдугнайчва, хъа гъамус учву ичв Марччлихънихъна – гъайгъу Зигрурихъна къяляхъ хътакунчва.



Жиларин ва хпарин гъякънаан

3¹ Учвур, хпар, ичв жилариз гъаци мютЮогъ йихъай. Дурарикан шли Аллагъдин Гаф къабул апІурадарш, чпин хпарилантина, ² ичв марцци ва Аллагъдихъан гучІру уьмур уларикк ккади рябкъюрайибдиинди, саб гаф адарди, дурарра хъугъвалихъна гъиди. ³ Гъит ичв успагъивал, гъар жүре аьжайиб кІюлгънар апІбинди, гъизиларихъди балгбиинди, ясана уччудар палтариинди чІатлануб дарибшри, ⁴ хъа – айтІануб: чІур даршлу успагъивал улупру хъпехъвалиинди ва гъожатариз ададаІру рюгъниинди кІваан вуйиб ибшри – гъамциб ву Аллагъдин улихъ багъавал. ⁵ Фила-вуш садар вахтари, Аллагъдиин хъугъвал али дишагъли-йири, чпи гъамцдариинди балгуйи, аьхир! Дурар чпин жиларихъ хъпехъуйи. ⁶ Мисалназ, Сара, варибдиъ Ибрагъимдихъ хъпехъуйи ва дугъаз чан агъа кІуйи. Учвур Сарайин шубар вучва – эгер учву ужувлар апІуруш ва гучІури хъуваликк кІул ккиврш.

⁷ Ари гъамци, сатІлан вуйи уьмриъ жиларра чпин хпарихъна лайикъ вуйибси духъну ккунду. Дурарин гъюрмат дюбхну ккунду, гъаз гъапиш, гъеле дурар цІибди зяифдар вушра, жиларихъди сабси ужувлан багъишдин ирсчйир ву. Гъаддиз, учву ккарагруган, гъич сарихъанра машат апІуз хъибдарчвуз.

Гъякъ ляхин апІузди алабхъру аьзабнакан

⁸ Аьхирки, гъит ичв сабсар фикрар ва гъиссар ишри, ичв гъардшарихъна вуйи саб масанвал ибшри, язухъ зигуб ва фурсктрувал ибшри. ⁹ Писвализ – писвалиинди, биябурвализ – биябурвалиинди жаваб мутуванай, хъа жараси, уж’вал апІбиинди жаваб тувай, гъаз гъапиш, учвуз гъаддиз дих дапІна ва учвузра, ирс вуди, уж’вал дебккуз гаф тувна.

¹⁰ «Шлиз бахтатарвалиинди яшамиш духъну ва ужудар йигъар дяркъну ккундуш, гъит, мелз чІурубдихъан уьбхри, хъа ушв – кІучІлихъан.

¹¹ Гъит, писвалихъан ярхла ишри, гъит, уж’вал апІри; гъит, мясляаьт абгри, гъит, ислягъвал арайиз хури,



12 фицики Агъайин улар гьякълудариин ал
 ва ибар
 дурарин ккарагбарихъ хъивна.
 Хъа писвалар апІурайидарихъинди лигруган,
 Агъайин машнак хъял кубчІвру».

13 Хъа шлихъан учвуз зарал тувуз шидихъа, эгер уж’вал апІузтІан ичв тямягъ хътарш? 14 Гъеле учву, ичв гьякъвализ дилигну, балйирикк ккахънашра, бахтаврар вучва! Дурариз гучІурайибдихъан гучІ мапІанай ва гучІ’валиъ мугъузанай! 15 Хъа Агъа Месигъдин гъюрмат ичв юкІвариъ гирамиди уьбхъй. Учвуъ яшамиш шулайи умуд фтиин биналамиш дубхъна, кІури, гьерхруриз, ккунириз жаваб тувуз шлубси гъязурди гъузай; 16 анжагъ акъюллудина гъюрматлудитІан жаваб мутуванай. Учву яшамиш шулайи ичв гъяни уьмур къабул дарди, люкънар апІру адмийириз, Месигъдихъ хъугъиган, чпин гъапІу гафарихъан нач шлуси, ичв намус марцциди уьбхъй. 17 ЧІуруб дапІну, аьзабнакк ккуркъайиз, эгер Аллагъдин ният вуш, ужуб дапІну аьзабнакк ккахъуб хъа ужуйи даринхъа! 18 Гъаци Месигъра, ухъу гъапІу гунгъарихъанди, сабан ва гъаргандиз, Гъякълур гъякъсузарихъанди, учву Аллагъдихъна хпан бадали, ккахъундаринхъа! Дугъан беден аьжализ тувну гъабкІну, хъа Рюгъ уьмрихъна къяляхъ хътакну. 19-20 Иса гъадму Рюгънаъди, мучІушнаъ айи рюгъяриз Ужувлан хабарнакан ктибтури, гъушну. Думу рюгъяр, дюн’я, шид илипну, ккапІуз ккунди, Нюгъди гими апІайиз Аллагъ сабурлуди ккилигурайи вахтна, Аллагъдихъ хъпебехъу адмийирин рюгъяр ву. Нюгъдихъди штуин али гимдиъди сакъюдартІан гъюрхюндайи – анжагъ миржир кас. 21 Думу шид, цІийи хъуз, штуан хъувалин лишан ву. Думу лишан гъира кмиди учву уьбхюрайиб ву. Штуан хъувал – му ичв жандилан чиркшин алдапІувал дар, хъа ичв марцци кІвахъан Аллагъдиз тувнайи гаф ву, Иса Месигъ чІиви хъуб’инди учву уьрхюрайи. 22 Завариина за духъну, Думу гъамус Аллагъдин арччул хилихъинди хъа. Дугъаз вари малайикар, гъюкмар ва къудратар мютІюгъ гъахъну.

Уьмриъ дигиш’валар

4 1 Гъаци вуйиган, беден аьзабарикк ккабхъбиинди Месигъди фици аьзиятар гъизигнуш, учвура гъацдар фикрар гъисабназ гъадагъай. (Гъаз гъапиш, беден аьзабарикк ккабхърури гунгъар



апІуб гьибтру). ²Гьацдар фикрар гьисабназ гьадагьнайиган, гьюз имбу уьмур – инсандиз ккуниси ваъ, хьа Аллагьдин ниятнаккди хьапІуз шулу. ³Дарди хьуз, Аллагь кІул’ин алдрударси, мяна адру уьмур тьмягьяриьна пиянвалариь, кьяппавалариьна намусузвалариь ипну, гьар жюре аллагьаризна идолариз икрам апІури, учву бегьем вахт гьавайиди гьапІунчва. ⁴Хьа гьамус дурариз учву, чпихьди чпи айи аьгьвалиь имдруган, аьжайибди гьугьубжвур ва ушвнихьна гьафиб вари кІурачвуз. ⁵Аммаки дурар багарихьди чИвидадинна гьийихдарин суд апІуз Гьюрурин улихь чпи гьапибдинна гьапІубдин жаваб тувуз мажбур хьиди. ⁶Магьа гьаддиз, гьеле чпи адмийирди имиди бедендиинди жаза дурариз гьабтІундаршра – хьа думу жазайиккан дурарихьан ккудучІвуз хьибдар – хьа чпин рюгьнииндикьан Аллагьдин уьмрихьна гьюбан бадали, Ужувлан хабар гьийихдаризра дебккнийи.

⁷Варибдин аьхир багахь шула. Гьаддиз ачухь фикир айидар йихьай, фагьум апІинай, хьа гьадмуган ккарагуз хьибдичвухьан. ⁸Сифтена-сифте вари кІваантІан чиб-чпи ккун апІинай, гьаз гьапиш масанвали гизаф гунгьар ккеркру. ⁹Мурмрар дарапІди, хьлар кьабул апІури йихьай. ¹⁰Учвкан гьарсариз жарариз дарубсиб хьуркьвал дурубкьначвуз, гьаци вуйиган Аллагьди учвуз багьиш дапІнайи гьаму гьарсаб жюре хьуркьувалар, чиб-чпин гьайгьушнаъ шлуси, мянфьяьтлуди ишлетмиш апІинай. ¹¹Эгер шлиз гафар апІувалин хьуркьувалар аш, гьит, дугьу Аллагьдин хабарнакан гаф рабгьри; шлиз гьуллугь апІбаъ хьуркьувалар аш, гьит, Аллагьди туврайи кьувватнаъ учв мягькам ишри. Гьит, варидари Иса Месигьдилантина Аллагьдин ад бадали жафа зигри! Гьадгьаз ибшри аьсрариан-аьсрариз ад ва кьудрат, амин!

Хьугьрударин сабуруваликан

¹²Йиз багьаллуйир, учвухьди фу-вуш саб аьжайиб шула, кІури, учв’ин алахьурайи гьагьи аьзабариин-аьзиятариин мягьтал махьанай. ¹³Хьа гьатцидарихьинди, учву Месигьдин аьзабарий иштирак шулачва ва, гьаддиз, шад йихьай, хьа гьиямат йигьан, Иса Чан аднаьди гьафиган, шадвали ацІдичва ва гьарай ипдичва. ¹⁴Эгер учву Месигьдин ччвурналантина биябур апІураш, учву бахтаврар вучва, му гьадму кІуру гаф вуки, Аллагьдин Рюгь Чан вари аднаьди учвуь архаин духьна. ¹⁵Эгер учвкан сар фуз



аьзабнаъ аш, гьит, думу аьзаб йивну йикІбалан, ясана гьитІибкІ-
 балан, ясана законсузваларилан, ясана футна апІувалиланти-
 на вуйиб дарибшри. ¹⁶Учву Месигьдихъ хьугьнайивалилантина
 аьзиятариъ ахьнаш, гьит, дицири нач дарапІри, хъа, гьит: «му
 Исайихъ хьугьрур ву», – кІуруган, Аллагьди учвуз гьациб уж'вал
 дебккнайивализ дилигну, гьацири Дугъан ад апІри!

¹⁷Гъаз гьапиш Суд апІру йигъ багахъ хъа. Хъа думу Аллагьдин
 хуландарилан ккебгьди. Хъа думу ухьлан ккебгьрайиган, Ал-
 лагьдин Хабар къабул дарапІрайидарин аьхир фициб шуйкІан?!

¹⁸ «Эгер гьякъ вуйирихъан
 саб нуфтдитІан жвув уьрхюз шулдарш,
 хъа фу шул
 кацІнайидарикан ва гунагькрарикан?»

¹⁹Гъаддиз Аллагьдин ниятнинди аьзабнакк ккайидар, гьит,
 гьуркІну чпи вариб халкъ ГъапІурин ихтиярнаъ учІври – Думу
 гьарган аьгьтлур ву – ва чпин фикрар ужудар ляхнариина жалб
 апІри.

Аллагьдин лиж

С¹Гъаци вуйиган, гьамус узу ичв аьхюдарихъна илтІикІураза.
 Даршуз узура йиз марччарин – хьугьрударин аьхюр вуза.
 Мидлан гьайри, Месигьдикан кчІикъу аьзабарин шагьид вуза ва,
 магъа, гьамус – хъа дюн'яйиз гьиямат йигъ хъади гьюрайи Ду-
 гъан ад рубкьрударикан сар духъназа. ²Ичв ихтиярназ тувнайи
 Аллагьдин лиж уьбхъай, дидин гьайгъушнаъ учву буржлу вуйи-
 валиан мишанай, хъа Аллагь ихъ гьайгъушнаъ айиганси, учвур
 ичв аьшкъниинди гьайгъушнаъ йихъай; учвуз му дюн'яйикан ха-
 йир ктабгъуз ккунди ваъ, хъа ичв гьякъ тьягъ хъайивалиинди
 гьайгъушнаъ йихъай; ³гьякимари Аллагьди чпин хилиъ ивнайи
 адмийирин зиин агъавал апІурайиганси ваъ, хъа вари лижаз ми-
 сал вуди гьуллугънаъ шлуганси гьайгъушнаъ йихъай; ⁴ва, Аьхю-
 ну Марччлихъан гьафиган, гьич зат дучрубхру адлувалин кунцІ
 рубкьидичвуз.

⁵Учвур, жигьилар, аьхюдарихъ хъпехъури апІинай; чиб-чпин
 гьайгъушнаъ духъну, разивалиъ кІул ипай, гъаз гьапиш,

«Аллагь фурсачйириз къаршу удучІвур,
 хъа разивал улупрудариз



Думу рягъм апІрур ву».

⁶ Гъаддиз, Аллагъдин къудратлу хилин улихъ разивалиинди ик-рам апІинай, Дугъу учвурa Чан вахтна заъди. ⁷ Ичв вари гъай-гъушнар Гъадгъуин иличай – Думу ичв гъайгъушнаъ а!

⁸ Ичв фагъмихъ гъузай, мааханай! Учвуз къаршу вуйир, иб-лис, гашу удубтІнаи асланси, учвкан хътІюкъюз ужур агури либцура.

⁹ Учву ичв мюгъкам хъугъвалиинди, дюн'яйиъ вари ичв гъард-шари учвуси гъамцдар аъзабар аъгъ апІурайиб аъгъяди, дидиз къаршу удучІвну ккунду. ¹⁰ Аммаки учвуз аъгъ апІуз сацІибтІан имдар! Иса Месигъдиъ сатІиди духъну дих дапІну, гъарсаб ужув-лан булагъ айи Аллагъди Чан гъаммишандин Ад учвухъди пай апІиди, учву дюз алаиди, ижми апІиди, къувватлу апІиди, йишв'ин мюгъкам апІиди. ¹¹ Дугъан къувват аъсрариан-аъсрариз ибшри, амин!

Аъхиримжи насигъят

¹² Узу гъаму бицІи кагъаз Силван гъардшин кюмекниинди гъибикІунза. Узуз дугъан хъугъувал ужуйи аъгъязуз. Узу му ка-гъаз учвуз, мушваъ улупнайиб Аллагъдин ужувлан гъякъ багъиш ву, кІури, учву рази ктаъбан бадали, гъибикІунзачвуз. Ижмиш-наан гъамдихъан хъичІихай.

¹³ Учвуси Аллагъди кадагънайи Вавилондиан вуйи чуччура учвуз саламар хътаура, ва гъацира – йиз бай Маркдира. Чиб-чпиз чве-валин масанвалин мак апІбиинди салам туври апІинай. Вари Месигъдиндариз, учвуз, мясляаът ибшри!